



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 32. Quomodo Deus ipsi manifestaverit simul duas purissimas
Conceptiones, nimirum Beatissimæ Virginis, & Filij Dei, intra ipsius viscera,
dederitq[ue] eidem Virgini tres coronas, propter id, quod ...

urn:nbn:de:hbz:466:1-38580

CAPVT XXXII.

Quomodo DEUS ipsi manifestaverit simul duas Purissimas Conceptiones, nimirum Beatissimæ Virginis, & Filij DEI, intrâ ipsius viscera, dederitque eidem Virgini tres coronas, propter id, quod in utraque præstitit.

Dile sanctæ Conceptiones extiterunt in mundo: alteram Christi Domini, quæ fuit sancta jure suo; alteram verò Beatissimæ Virginis, Sancta ex singulari privilegio. De utraque simul habuit revelationem Marina hunc in modum.

§. I.

Qvodam Festo, inquit, Beatissimæ Virginis, expectantis partum (quod in Hispania celebratur 18. Decembris) dignatus est mihi DEUS manifestare mysterium Incarnationis Verbi Æterni, & simul Purissimam Conceptionem sanctissimæ ipsius Matris, quam vidi, non absque Divino lumine, & cognitione admirabilem ejus virtutum. Sanctus autem Archangelus Gabriel stabat coram illa decussatis manibus, quasi stupens magnitudinem illius mysterij, jam peracti in sanctissima Virgine. Obtulit ipsi sceptrum & coronam, honorando illam, ut Matrem DEI, & Reginam Angelorum ac Cælorum. Hoc viso, obstupui, & sanctus Angelus meus Custos mihi dixit: Expecta Anima, necdum enim completum est mysterium. Redij ad me, & vidi, à diabolis raptari quandam bestiam, plenam cornibus & oculis, quam ille affligebat quibusdam lanceolis. Antecedebat ipsam unicus Angelus. Prostraverunt illam coram sanctissima Virgine, quæ gravissimè & modestissimè elevavit unum pedem, eoque calcavit bestiam, quæ subito cæpit paulatim disperire, donec absorberetur, ut non amplius compareret. Hoc fuit symbolum visionis, quam Beatissima Virgo retulit de di-

bolo, tam, quando fuit concepta in ventre sue Matris sanctæ Annæ, absque peccato, quam etiam, quando ipsa concepit in suis visceribus Filium DEI, absque jactura sue Virginitatis: quod illi expressius fuit declaratum die sequenti.

§. II.

QVo, ait, me peculiariter illuminavit DEUS, ut cognoscerem puritatem, & munditiam, quæ DEI Filius, cooperante Spiritu sancto, est conceptus in visceribus suæ sanctissimæ Matris, & quam immaculatè ac sanctè fuerit sacratissima Virgo concepta absque originali peccato. Vidi, quomodo Angeli, postquam concepisset suum Filium, venerint ex Cælo, exhibituri ei honorem, ut DEI Matri, ac suæ Dominæ. Millenis id ipsi applausibus omnes gratulabantur, cum magno gaudio & jubilo. Deinde vidi, illam à tota sanctissima Trinitate coronari, ut Reginam ac Dominam omnium creaturarum. Pater Æternus sic ipsam alloquebatur: Filia mea dilectissima! Et imposuit illi coronam, in præmium promptæ voluntatis, quæ suum Filium statim atque illum concepit in suis visceribus, obtulit Æterno Patri, ut redimeret ac servaret genus humanum, suâ morte ac Passione. Filius autem ei dixit: Mater mea & Domina mea; imponens illi aliam coronam, propter puritatem virginalem, quam habuit in Conceptione Verbi Æterni, quod Caro factum est in ejus utero. Sanctus denique Spiritus ipsam appellavit Sponsam, dando illi aliam coronam propter ejus purissimam Conceptionem, immunem à macula originalis peccati. Hunc in modum coronata sanctissima Virgo ad me accessit, & impertita mihi est

hi est suam sanctam benedictionem, meque perbenevolè est amplexata, dicendo: Soror, hunc tibi amplexum do propter te, ac pro te, & subito me iterum suis ulnis strinxit, dicens: *Hunc tibi amplexum praebeo pro meis servis & amicis tuis, qui tuentur ac profitentur meam Purissimam Conceptionem, expertem peccati originalis, & hoc ipsis dic meo nomine, ita enim volo.* Valdidixit mihi sanctissima Virgo, & redij ad me ex raptu, humiliavi que me coram DEO meo, sicut consuevi. Postridie, ante sacram Communionem, mihi Dominus dixit: Anima, venio ad te, & adfero tibi tres flores ex coronis meae Matris. Unum florem, aiebat Dominus, se mihi ferre, cò quòd meam animam, & univèrsa subjecerim Divinae voluntati, cum essem in ætate viginti mensium, postquam mihi DEUS acceleravisset usum rationis: alterum, propter virginalè puritatem, quam per omnem vitam DEO adjuvante conservaveram: tertium propterea, quòd asseruerim & crediderim Puritatem sanctissimae Conceptionis Dominae Nostrae, liberae à peccato originali. Quando mihi Virgo valedixit in prima harum visitationum, bene mihi precata est, dicendo: Benedicta esto tu ipsa, benedictus locus, quem inhabitas; benedictum, quod manducas; & benedictum, quidquid contingis; vale.

In his duabus revelationibus, pes Beatissimae Virginis elevatus ad destruendam bestiam, & nomen coronae, significant sacratissimam Virginem, in sua prima sanctificatione, ex speciali privilegio etiam fuisse præditam assumptionis, & elicuisse excellentem actum Amoris DEI, quo se disposuit pro obtinenda gratia, ac vincendo diabolo. Et propterea ipsi fuit simul data corona, sicut illi est collata propter virginitatem, & acceptatam Maternitatem DEI. Hæc est sententia gravium Doctorum, quos ego sum sequutus in meis commentarijs super Cantica.

Adamas quiddam exiguum de duobus his Festis junctim, quod evenit hoc eodem tempore. Adverterunt, inquit, mei Angeli, quòd præ me ferrem teneriorem affectum erga statuam Beatissimae Virginis, quæ est in meo Oratorio. Contulerunt se eò, & prostrati humi illam adoraverunt. Minor exprompsit instrumentum quoddam musicum, collaudans cantu Purissimam Conceptionem & Annuntiationem Beatissimae Virginis. Deinde descenderunt multi Angeli ex Cælo, & impositam cuidam quasi feretro argenteo, tulerunt more supplicanti ad conspectum Sanctissimae Trinitatis, quæ illi dedit suam benedictionem, & Christus Dominus ostendit, eam esse gratam suis oculis. Postea ipsam retulerunt cum silentio, & reposuerunt suo loco.

CAPUT XXXIII.

Quomodo ipsi DEUS manifestaverit, quid acciderit in Assumptione Beatissimae Virginis, & magnam ejusdem gloriam.



NE prætereamus ullum mysterium & Festum sacratissimae Virginis, superest, ut referamus revelationes, quas Venerabilis Marina habuit de gloriosa Assumptione ejusdem Dominae, & gratias, quas ab ipsa consequuta est, atque à Christo Domino Servatore Nostro, ob honorem hujus Festivitatæ.

§. I.

IN Festo Assumptæ Beatissimae Virginis (anno 1622.) dum vellem audire Sacrum, fui ducta in spiritu ad locum, in quo hæc Domina è vivis migravit. Vidi illam decumbentem in suo sacro lecto, mirum in modum speciosam, ac sanctissimum ipsius vultum roseo perfusum rubore, & quasi inflammatum, ut manifestè indi-